


拜經樓藏書題跋記



Z  
997  
.A2  
W8  
v.2





Digitized by the Internet Archive  
in 2010 with funding from  
York University Libraries







EAST ASIAN STUDIES  
PROGRAM

拜經樓藏書題跋記卷三

海昌吳壽暘虞臣纂

吳縣後學江古溪重校



水經注

水經注四十卷明項氏刻本 先君以柳氏鈔本手校所  
卷皆有題記卷末跋云山海經而後地理之書莫過於水  
經而水經之所以超陵羣籍者亦籍有酈亭之注存焉爾  
水經原水一百三十有七注中又得一千二百五十有二  
包舉華夏囊括古今俾學者足不必踰戶庭舉凡天下經  
流原委瞭然若指諸掌藉令郭宏農移山海之筆而爲之  
絮長較短吾未知孰得而孰失也世有修水道者執此以  
往非但神禹之遺跡可求卽管子所稱三億三萬三千五

百五十有九之數旁引曲證庸詎知不復見於今日耶惜  
閱時既遠習者久乏專家自唐以後闕失頗多宋館閣所  
藏止三十五卷蜀本僅二十卷故歐陽公且未見足本今  
幸復四十卷之舊而其閒經注混淆詭文脫簡不勝悉數  
金源有蔡氏珪補正水經已不可復得自明以來校讐刊  
布者家數漸廣如楊氏慎黃氏省曾吾族人瑄陳氏仁錫  
鍾氏惺譚氏元春及項氏綢此本而南昌王孫謀璋之箋  
爲最傳其用舊本傳錄是正者又有若歸氏有光舊鈔本  
趙氏琦美三校本朱氏之臣補正本全氏元立天叙吾騏  
三世校本馮氏夢禎勘定本錢氏曾依宋刻校本黃氏宗  
羲芟本孫氏潛再校本顧氏炎武校本黃氏儀校本并圖



劉氏獻廷注疏本姜氏宸英校本何氏焯再校本沈氏炳  
異集釋本全氏祖望七校本而柳氏僉影宋鈔本爲最精  
他如周氏嬰閩氏若璩胡氏渭顧氏祖禹董氏熈杭氏世  
駿齊氏召南皆嘗援據辨證以匡其失逮仁和趙氏一清  
復博采史傳斟酌諸家之說繩愆糾謬定爲水經注釋四  
十卷又別纂朱箋刊誤十二卷自謂集古今之大成於桑  
鄠二家可稱功臣所遺憾者惟未覩柳氏本耳按僉字大  
中吳人別號味茶居士書鈔於正德中前有道元原序雖  
闕而不全顧別本皆無之吉光片羽洵希世之珍也舊藏  
洞庭葉石君家旋亦散去予既錄得趙本又嘗慨慕柳本  
有得隴望蜀之想癸巳秋日吾友鮑綠飲忽從湖墅友人



齋頭獲見此本馳以告予爲之狂喜彌日因亟從借歸出  
趙氏書中孫潛校補數處證之壹皆膾合簡端雖不著大  
中姓氏定爲從柳本傳鈔可無疑者欲影鈔一本卒卒未  
暇乃先取項本手爲讐勘其不同者悉表而出之以資參  
考始於癸巳季冬訖於甲午仲秋凡九閱晦朔蓋百里外  
借書往來動多作輟故也原本雖亦閒有亥豕然破沙簡  
金往往得實在擇之者何如耳嗟乎是一帙也趙君以畢  
生之力求之而不可得予遇之若取諸懷袖何造物者之  
嗇於彼而暱於此也抑書之遇不遇亦有時歟予旣自慶  
其遭略取顛末而著於此後之得吾書者其實之哉乾隆  
三十九年重九日海甯吳某書於拜經樓 柳本鄺序缺



深屏營也至在渚交奇凡半葉此從新刻本補全每葉廿二行行二十字記云乾隆丙申春從京師新刻本鈔全酈序並校訛字此序蓋從永樂大典內錄出使人得觀全壁何其幸也兔牀記此序行間字數猶是宋板本來面目又記又書卷首云柳本卷下俱有第字人名上不署漢及後魏字後同凡硃筆注一作者俱柳鈔本柳本經注皆白文無小注故此本小注並用乙

元豐九域志

元豐九域志十卷吳中家枚菴先生從青芝堂影宋本錄出復以舊志校勘者每葉大字二十二行每行大字二十二小字夾行每行二十三及二十四二十五字先君子



從枚菴借鈔並書其跋云新定九域志十卷青芝山堂影  
宋鈔本復從元豐舊志校勘者首卷原闕四京以下六版  
又脫曹州濟陰郡半版亦從舊志鈔補并錄入進表一篇  
略成完書矣新定本較舊志增多古跡一門朱竹垞謂舊  
志多經進之書此則民間流行之本未知然否慨自祝穆  
方輿勝覽殘山刺水僅記偏安州郡惟此與樂史寰宇記  
猶見全宋規模而流傳甚罕識者所當什襲而寶貴之也  
乾隆戊戌秋九月枚菴漫士吳翌鳳書 先君子跋云家  
枚菴僑居吳下性喜藏書每遇秘本輒手爲傳錄蓋今之  
方山也王正仲九域志流傳絕少而有古跡者尤爲難得  
癸卯夏從枚菴借得因亟鈔而藏諸拜經樓又云王子仲



眷復以錢遵王影宋鈔本及嘉興馮氏新刊本重校一過

又

嘉興馮氏刊元豐九域志十卷 先君子以青芝堂鈔本  
校跋云戊申秋日仲魚新購得錢遵王影宋鈔元豐九域  
志卽從京師寄予予受而讀之庚戌仲夏南還復以此本  
見遺蓋嘉禾馮氏新刊本也仲魚留心地學觀其跋語足  
徵其討究之深馮氏復借影鈔本重校而補刊各卷之後  
資仲魚之益亦不尠矣予習懶廢學慮遵王善本留諸插  
架徒飽蟬腹因取遵王本仍還仲魚而以予舊日所藏青  
芝堂鈔本九域志有古跡者重校一過漫記于此

肅陽

按簡莊徵君得影宋鈔本馮氏借校補刊各條於每卷之

後徵君有書後一篇論黎陽大伾山據本志復據宋史及  
文獻通考謂蔡氏書禹貢不當以黎陽縣繫今通利軍爲  
王厚齋所未及者 先君錄其文於此本之後

乾道臨安志

乾道志鈔本止三卷每葉二十行行十九字 先君子以  
錢氏萃古齋新鈔本校錢氏本每葉十八行行二十字  
前有厲樊榭先生序云乾道臨安志十五卷宋臨安府尹  
吳興周綜彥廣所修也此宋槧本僅一卷至三卷無序目  
可稽觀其稱孝宗爲今上紀職方至綜而訖其爲乾道志  
無疑吾郡志乘之有名者北宋圖經久已無考至南渡建  
爲行部則此志居首繼之以施愕淳祐志潛說友咸淳志



皆爲宋人排續予所見者祇有咸淳百卷向在花山馬氏  
吳君尺鳧鈔藏尙闕七卷趙君谷林復購得宋槧本之半  
固已珍如球璧今孫君晴厓從都下獲此志雖僅十之一  
二而當時宮闕官署城市橋梁坊巷具存職官始末更爲  
詳晰諸家儲藏著錄未有及此者綜尹京時撩湖濬渠綽  
有政績載在宋史其書更可寶也亟錄副本而歸之樊榭  
屬鸚識後 杭堇浦先生跋云長興周淙彥廣撰臨安志  
十五卷直齋書錄譏其首卷爲行在所於宮闕殿閣全不  
記載其他沿革亦多疏略此書世所罕傳萬厯中吾郡陳  
布政善修府志時已不得見孫君晴厓得宋槧本於京師  
故家祇一卷至三卷所載園亭坊巷及職方姓氏爲酒君



高咸清志藍本其宅惜無從更覓然斷圭殘璧爲此邦文  
獻計已不啻寶如圖球志稱乾道三年五月二十六日以  
右朝請大夫直龍圖閣兩浙轉運使知臨安府先是紹興  
五年嘗通判府事宋史本傳但言宣和閒以父任爲郎歷  
官至通判建康府志稱乾道四年十月十四日磨勘轉右  
朝議大夫五年七月初四日除右文殿修撰再任本傳但  
言進右文殿修撰提舉江州太平興國宮以歸無再任臨  
安事此可以補史之闕咸清志載宗濬湖撫草諸善政孝  
宗手敕獎諭本傳但言其開湖一事亦似過略重甫此世  
駿跋

高祐臨安志

清祐志六卷每葉十四行每行大字十九小字雙行十九  
簡莊徵君從吳中爲先君子鈔得同時黃薏圃主事亦

錄一本薏圃主事跋云今歲夏秋之交賈人從牛浦韓氏  
得書數百種盛稱中多舊本書大都皆余所有不復過問  
惟相傳有臨安志六卷本余甚疑之蓋乾道則太多咸淳  
則太少遂就賈人處索觀其書卷中所志清祐而止余曰  
是必施謬臨安志也賈人初不知因余言遂信之擬與交  
易云已售出惜未歸之頃晤簡莊知是書在彼處外府之  
藏也當倩胥錄其副同人賦詩紀事簡莊倡而兔牀與余  
和之洵爲藝林佳話云己巳季冬十有一月復翁書於石  
泉古舍簡莊徵君跋云吾杭在南宋建都爲臨安府其

志凡三修一爲乾道時周宗撰一爲淳祐時施諤撰

四庫書目

此要作施諤可董浦撰蔡樹成淳志一作施諤今黃嘉興與余定作施諤一爲咸淳時潛說友

撰乾道志十五卷久佚同郡孫賄厓從都下得宋槧本止

三卷余曾錄副本咸淳志百卷秀水朱竹垞從海鹽胡氏

常熟毛氏先後購得宋刻八十卷又借鈔十三卷尙七

卷後歸吾鄉馬氏道古樓收藏錢唐吳繡谷購鈔其半繼

而竹垞之孫稼翁又以宋槧十七冊售於同郡趙氏小山

堂趙氏復從吳本補錄其餘未及裝整即歸王氏寶日軒

又轉歸於吳氏存雅堂乾隆三十八年歛鮑綠飲從平湖

高氏得宋槧本二十二冊中間節次缺失而盡於八十一

卷每冊有季滄葦圖記據綠飲跋云內第四卷至九卷實



季氏補鈔中稱理宗爲今上應是施謂淳祐志歷人餘二  
十冊紙墨精好較勝趙氏本而六十五六兩卷又竹垞所  
未見也因斥去季氏補鈔施志六卷就趙本補錄通得九  
十五卷未幾歸於吾鄉吳氏拜經樓餘姚盧氏抱經堂嘗  
從吳氏借鈔今爲余所得者也近客吳中有持書目來者  
云平湖韓氏出售中有臨安志四冊因與黃君薨圃取  
觀之書凡六卷所列山川城府二門雖編爲卷一至六然  
前尚有缺卷其紀載至淳祐十一年止避諱亦僅及理  
宗其爲淳祐志無疑殆卽從季氏本轉錄者乃以厚價購  
之考直齋書錄文獻通考及宋史藝文志皆不著錄而施  
之字里出處亦未詳明其時知臨安府事者爲趙與蠶志

中備載其建置倉敖設育嬰堂濬西湖開運河諸善政按  
宋史云興憲所至急於財利幾於聚斂之臣而廬熊蘇州  
府志稱其知平江適郡中饑分場設粥全活數萬人再守  
郡行鄉飲射禮於學宮復修節艤堂齋廬廣弦誦以嚴教  
養弟子爲立生祠熊之言當有所受則志亦未必虛譽兼  
可以證史傳異文書雖不全頁足寶貴遂與乾道咸淳二  
志共藏目爲宋臨安三志并賦詩紀事嘉慶十有四年冬  
十有二月海甯陳鱣書 詩云偶從吳市購得宋淳祐臨  
安志六卷雖非全本然自來著錄家多未見喜而有作寄  
槎客先生輸錢吳市得書誇道是西施入館娃 志爲施  
諤所修宋  
室江山存梗概鄉邦風物見繁華關心志乘亡全帙屈指



收藏又一家

同郡孫氏壽松堂舊藏宋本乾道諸志三

書刻一印日臨

況有會稽嘉泰本賞奇罕足慰生涯

嘉泰會稽志

先君子和作云鳳舞龍飛詎足誇錢唐遺事失

宮姓天教南渡支殘局人想東京續夢華朱鳥歌成罕有

淚冬青種後已無家與君鼎足藏三志

志三舊有乾道臨安志三卷或清臨安

志九十五卷皆宋刻及影鈔本合此為編安三志云

天水猶懸碧海涯

作云甄別奇書卻自誇秦娥未許混吳娃

清志舊志中故借

用方言卷二中事闕疑向已無年號

所見清志中故借

今還識物華半壁河山留六卷累朝興廢得三家東南進

取忘前鑑空使宗臣泣海涯

東南進版輿地通鑑三十卷孝節先生趙善舉著

州題馬氏通考所云南北政守類考也宋

又庚午春日



寄懷先君子次前韻詩云千元百宋競相誇引得吳人道

是娃謂好曰娃見說文我為嗜奇荒產業君因勤學耗年華良朋

隔世亡雙璧謂顧抱冲袁壽皆異地同心有幾家真箇蘇杭聞見

廣藝林佳話徧天涯仲魚得瀟湘志仰佳話之一

咸淳臨安志

宋大字本咸淳臨安志九十五卷每葉二十行每行白文

二十注文雙行二十字綠飲先生得於平湖高氏以歸先

君子凡宋刻二十卷影宋鈔七十五首有季滄葦圖記卷

帙與傳是樓宋板書目相符蓋東海舊藏原本盡於八十

一卷內五卷至第十卷乃施諤淳祐志驛入綠飲先生撤

出此六卷從王氏吳氏影宋補鈔較竹垞先生所見本多

六十五六十六二卷鈔本經沈君煥校正書其前云乾隆  
丙申三月初十日武林沈煥校又云是書鮑綠飲借鈔於  
壽松堂孫氏檢書者不依卷數亂發隨借隨鈔亦卽隨校  
覽者幸毋以參錯爲嫌煥又識每卷後皆記校對月日又  
九十七卷後書云乾隆四十二年歲次丙申二月望後假  
壽松堂孫氏本鈔補四月二日鈔畢七日校訖計補八百  
頁又耕厓先生識云四月三日閱竟風日和美綠陰滿  
窗時將迎夏矣廣業先君子嘗欲取乾道臨安志成化  
萬厯二杭州府志補其缺卷未有成書曾手定序錄一冊  
至百卷後有附錄七則並錄朱吳杭鮑四先生題跋竹  
垞先生跋云南宋咸淳四年中奉大夫權戶部尙書知臨



安軍府事續雲縣開國男處州潛說友君高聳正府志增  
益舊聞凡一百卷子從海鹽胡氏常熟毛氏先後得宋槧  
本八十卷又借鈔一卷三卷其七卷終闕焉宋人地志幸  
存者若宋次道之志長安梁叔子之志三山范致能之志  
吳郡施武子之志曾稽羅端良之志新安陳壽老之志赤  
城每患其太簡惟潛氏此志獨詳合以吳越備史中興館  
閣錄續錄都城紀勝武林舊事夢梁錄大滌洞天志庶幾  
文獻足徵惜後之作通志者目未覩此以致舊聞放失可  
歎也夫秀水朱葵尊尺鳧先生跋云咸淳臨安志原本  
舊藏朱氏曝書亭後歸花山馬氏道古樓今入桐鄉汪氏  
書庫世人不可得見矣所闕者凡七卷竹垞竭平生之搜



括竟不能見合浦珠離平津劍失世間神物自有護持不  
知吾生可能得遇否康熙辛卯從馬氏乞鈔予錢二十千  
凡三年僅得半部更請於書主付繡谷亭別令借書生錄  
完并假前半部手自校定先後歷十年餘至雍正元年癸  
卯始得裝訂成一書之難如此錢塘吳焯 荦浦先生跋  
云咸淳臨安志緒雲潛說友君高譔說友史家不爲立傳  
其序末列銜云云存此可以見說友之官闕書凡百卷舊  
藏花山馬氏吾友吳君尺鬼以二十千購鈔其半其半則  
得之王店朱氏檢討家碑刻六卷仍闕如也好事者往往  
從吳氏借鈔鈔胥憚煩每割去大文長記以是世鮮善本  
辛亥歲夏同在志局尺鬼攜是書來予與趙誠夫共相參

校乃得睹悉真贋輒歎求書之難適檢討孫稼翁以宋槧  
十七冊求售亟從臾誠大以三十金易之山川古跡祠廟  
寺觀湖志全弋獲於此吾郡之文獻又無論也施懜淳祐  
志久佚不傳說友朋一稱引之序所謂漏且舛者也後陳  
布政再修爲能胚胎前光稱杭之善志其賢於夏大理遠  
矣秦亭山人杭世駿先君子云按吳繡谷跋所藏咸淳  
臨安志謂予錢二十千僅鈔半部蓋謂以錢予馬氏之掌  
書者也其後復從書主借其半鈔亦無得之王店朱檢討  
家之書又考所闕七卷爲第六十四六十五六十六三卷  
並入函第九十九十八九十九三卷並紀文第一百卷乃  
歷代碑刻目跋中所言碑刻七卷仍闕如也似皆未得其



實錄飲先生跋云宋咸淳閒潛說友撰臨安志百卷歷  
世寔久傳本絕少我朝朱檢討燮尊先後從海鹽胡氏  
常熟毛氏得宋槧本去其重複輯成八十卷又從他氏補  
鈔十三卷尙闕七卷無從補錄其跋載曝書亭集中論  
既沒歸之花山馬氏道古樓馬復售之桐鄉汪氏今則散  
佚莫可踪跡矣方在道古樓時錢塘吳繡谷先生從之借  
錄予錢二十千僅得其半又歷十餘寒暑始畢業焉雍正  
辛亥檢討孫稼翁以重出宋槧本三十五卷售小山堂趙  
氏趙氏從吳本補錄其餘未及裝整卽歸北墅王氏嘗日  
軒頃復爲吳氏存雅堂所有吳氏之居去予家祇數舍予  
每欲借鈔輒因病止今年正月偶得平湖高氏本凡二十

二冊中閒節次闕失而盡於八十一卷每冊有季滄葺圖  
記以傳是樓宋板書目證之其卷帙相符蓋卽東海舊物  
也內第四卷迄第九卷實季氏補鈔中稱理宗爲今上應  
是施愕瀟祐志驛入賜進拔家藏本第四卷乃宋刻第五  
至第十並印不足當補鈔先生殆偶  
日除二十冊紙墨精好較勝於趙氏本而六十五六十  
六兩卷又竹垞先生所未見也因拆去季氏補鈔施志六  
卷就吳氏借趙本補錄凡影宋刻鈔者一十六卷影鈔者  
二十八卷又影宋刻鈔序目三十八翻合刻本通得九十  
五卷仍缺者第一卷卷首序錄二翻第六十四卷及九十  
卷九十八卷至一百卷留心稽訪異日或成全書未可知  
也吳本有繡谷先生手跋趙本有堇浦先生手跋記述頗



詳并錄於左俾後之好古者有所徵信且知吳趙二家購  
求遺籍不惜重資有足法者嗟乎聚書藏書良非易事卽  
如泰興季氏花山馬氏桐鄉汪氏武林趙氏王氏以及健  
菴江邨之富且貴焉而此書不數十年間屢易其主皆傳  
舍然況以余之薄弱其能長守而弗失乎亦冀後我者知  
所愛護而已乾隆三十八年歲次癸巳三月歙人鮑廷博  
題於知不足齋 附錄癸辛雜識一條先君子書云按姑  
蘇志古今守令表說友以德祐元年四月二十五日罷二  
十六日婺州陳謙亨以浙西提刑兼攝平江府八月二十  
四日除司農少卿至九月十八日文天祥以制置使知平  
江府按此是信國之前尙有陳謙亨攝平江數月也可補

雖識之遺又升菴外集潛說友宋安撫使今傳奇中王十  
朋有此人訛爲錢先君子書云按傳奇雜劇往往假託  
人姓名而罕指實且王十朋紹興二十七年進士至咸淳  
時已百數十歲升菴之不檢每多如此

### 新安志

新安志十卷舊鈔本前題大宋孝宗乾道二年賜進士第  
中議大夫知鄂州軍府事新安羅願編有趙不悔序謂願  
二年願自序按縣書亭集云古文至南宋日壞於其後  
羅鄂州小集所存無多極其醇雅所撰新安志簡而有要  
篁墩程氏取其材作文獻志此志之最善者予年八十始  
鈔得是書每勸新安富家開雕終鮮應者甚矣今人之不



好古也潛仙堂文集云汪廷珍世所稱爲一山明端直  
人之先達傳初無微詞後儒亦不以病羅氏蓋羅之有  
與國史不同國史美惡兼書志則有褒無貶所以存忠  
也公論所在固不可變白爲黑而香梓之故目不能以  
伯長四明志於史同叔但叙其歷官而云事其國史與此  
同意汪尙有善可稱史則其惡益著故文稍異爾志成於  
嘉熙二年朱晦翁名位未顯且見存不在立傳之例而於  
卓齋傳末稍具讀書求志有四方學者推尊之語亦見其  
傾倒於朱也今本進士題名篇於朱名下注太師證國文  
公六字則後人所加

### 三山志

戶部  
卷之四  
志

卷之四

清熙三山志四十二卷舊鈔本按縣書亭集云志開坤者  
曾有陶鑒唐有林譜宋有林世程諸書均佚是編亦罕流  
傳以三山士夫未著錄者一旦有之足以豪矣特其體例  
附山川於寺觀之末未免失倫然十國之事可徵信者多  
有出於王氏八閩通志王氏閩大紀何氏閩書之外學者  
所當博稽也潛研堂文集云梁克家三山志四十卷宋史  
藝文志謂之長樂志其實一書也今本作四十二卷其第  
卅一第卅二兩卷進士題名乃清祐中福州教授朱龜孫  
續入考目錄本附於第卅之後但云第卅中第卅下未嘗  
輒更舊志卷第後人所爲四十二卷又非龜孫之舊矣志  
成於清熙九年五月而知府題名增至嘉定十五年他卷



則自闕入清祐中事書皆後人隨時僞入也宋史本傳於  
此道當相以觀文殿大學士知建康府之後卽入清祐八  
年起知福州據志克家於清熙六年三月以資政殿大學  
士官奉大夫知福州則他冊八年者誤志又其八年五月  
復觀文殿學士此卽史所載趙維奏欲令再任降旨仍知  
福州事是時克家蒞任已滿二年故有再任之旨因復其  
職名史誤以再任之年爲初任之年則甫經到任不當云  
再任矣且克家於罷相時已除觀文殿大學士越數年起  
知福州止帶資政殿大學士又二年始復觀文殿學士仍  
無大字則知建康以後必有落職奉祠之事而傳皆闕之  
世人讀宋史者多病其繁蕪予獨病其缺略缺略之患甚

於繁蕪卽有范蔚宗歐陽永叔其人繁者可省缺者不能補也因讀此志爲之喟然

吳邵國經續記

宋朱長文著三卷舊鈔本前有元豐七年九月十五日州民前許州司戶參軍長文所上序後有元祐元年臨邛常安民書後元祐七年大雪編戶林處後叙元符三年朝請郎通判蘇州權管軍州事祝安上刊書敘紹興四年建水庠由重勘跋末附元祐元年朝奉郎中書舍人蘇軾題名自溫胡宗下下數字劉子內誅筆評語稱義門先生爲先師有從宋本校勘處頗多補正先君子書後云續吳郡圖經世間傳本絕少而此本爲秀水濮口崑先生手校尤



爲可寶余三十年前嘗偕鮑綠飲遊吳中購得之珍藏至今每一展卷愷古香襲人後世其謗視之嘉慶辛酉記館中徵君復以宋本校卷三修撰程公師爺一條上補元豐四年貢政殿學士七下少保元魏公絳正議大夫集賢殿二十四字後記云嘉慶十一年秋勅海陳鵬借校一冊時寓中吳別業

卷一十一行云前經改元  
川徐日新體於中山書數

### 續吳郡志

續吳郡志二卷舊鈔本前有戒菴老人自序云吳郡志以蘇松東南二府大志也紀載郡之封域山川戶口物產人才風俗以至城池廨宇井邑先賢之遺蹟下至佛老之廬皆次焉二府東南大都其風土亦已略見於禹貢周職方

手抄本

三

聚珍板印

爾雅諸書如子貢之越絕趙晁之春秋張勃陸廣微之記  
錄羅處約朱長文之圖經龔明之輩紀聞紀事則備矣  
而成書則有范成大吳郡志出今而觀范志峻而整雖詳  
尚有未備者仙人隱士之居址名山勝境之出處菴觀寺  
院橋梁道路所興起之跡此皆前志所遺失也故續其志  
云

中吳紀聞

右六卷汲古閣刊本 先君子假得校本而兄壽照錄於  
上卷首書毛斧季從崑山葉九來借得舊錄本乃具先文  
壯公萊竹堂所藏故物開卷有文莊名字三印卷末一行  
云洪武八年從盧公武假本錄傳此書始自公武訪求校



定出於世此同邑錄傳之本宜其可從是正也後書  
此書兩目借得語古小齋校對本粗臨一過聯合十八記  
於南九曲灣寓舍又有綠筆係抱經廬學士所贈

茅山志

元槧本茅山志每葉二十六行行二十三字闕三四五  
七十四一五七卷又文漁先生藏本卷一至卷八合之  
十三卷具十四十五二卷終闕焉先君子書云據六國  
諸筆記此本的屬句曲外史手寫付梓者雖吉光片羽猶  
宜珍惜

元大一統志

元槧大一統志殘本六巨冊自六十五至七百五十一

中少九十七卷僅存三十九卷全卷二十八不全卷十一

其四百三番每番二十行行二十十字大悅目其方域則

四川彭州彭州威州通化茂州簡州新建嘉定府路眉州

沔州蓬州重慶路夔州永興達州彭水綢慶路等先君子

跋見愚谷文存中此書有跋云竹汀集跋見南濠朱氏本

凡四百四十三番每冊首有處州路儒學教授印其方域

則河南湖廣陝西浙江等省元修一統志凡二水一至元

二十三年札馬刺丁虞應龍等修成於二十八年七百五十五卷

大德初復從趙忭請命卜蘭禧岳該重修按宮曆所見蓋

非此本賜謹按宮曆文集跋又云史氏第六百十八卷劉

易從作陳易從引彭州古今錄唐高宗儀鳳三年云云



先君子書條云按新唐書吐蕃傳二百一上元三年攻鄯

州河芳四州詔周王顯爲洮州道行軍元帥率工部尚書

劉密禮等十二總管等討之李敬元率審禮擊吐蕃青海

上審禮敗沒無儀鳳三年事疑工部尚書卽易從之父一

統志惜未詳其名耳陳易從前古跡門九女家作劉易從

此蓋誤作陳然明一統志名宦亦誤作陳俟更考之敬元此誤

作劉祖鑑紀事本末載劉卽禮父子事甚詳又後易從坐

李敬業事云云下書曰按劉易從事舊唐書謂李敬業誣

構而死新唐書謂爲酷吏周興誣構而死初不言李敬業

且敬業死於開元元年至永昌時已五六載元一統志疑

有

元混一方輿勝覽

元混一方輿勝覽

二

聚珍板印

元混一方輿勝覽三卷不著撰人名氏元槧巾箱本每葉  
二十四行每行大小字俱三十字書端楷紙墨古雅按潛  
研堂文集跋云云元混一方輿勝覽三卷無撰人名蓋書  
肆所刊其文簡陋然今時流傳者已少矣元史地理志大  
都路領州十此云州九者龍慶州本縉山縣屬上都路之  
本聖州延祐三年始升爲州故也成宗紀至元三十一年  
復立平陽之舊城陵川等縣蓋元初二縣曾廢此書澤州  
無陵川縣解州無萬城縣可證其刊於世祖朝而書中又  
有冀甯晉甯之名係大德中所改則刊成之後別有竄易  
要皆書肆射利者爲之而不自知其抵牾也大甯路有雷



州景州史志無之此書亦未詳其沿革姑記之以俟考余  
今夏得一銅官印文曰景州之印當爲河間路之景州背  
文曰宣課行乙未年三月日造無年號蓋蒙古太宗七年  
印也

### 海甯縣志

縣志九卷明嘉靖閒知海甯縣事古亭蔡完所修首有自  
序後有海甯學諭東吳張志跋此冊爲蒼上書林家良輔  
翁所贈先君題云蔡古亭明府海甯縣志在談孺木先生  
輯海昌外志時云其板尙藏庫中迄今百數十年卽印本  
且不多見予訪購有年昨歲聞梅里李氏有是書屬蒼上  
吳長輔物色之今夏始得卷帙完整洵足珍也方良輔之

得也中途有人欲邀之良輔曰息壤在彼卒以遺予竟不持一錢而去是亦佔而有士行者歟乾隆四十七年立秋前三日槎客吳某誌

海昌外志

談孺木先生所著不分卷凡輿地食貨職官建置選舉人物叢談藝文八門首自叙及樓輦沈升蔡完序又許令典及先生所作趙無聲先生甯志備考引先君子有題記數條

皇祐新樂圖記

皇祐新樂圖記三卷光君子購自吳中書後云皇祐新樂圖記予購之於吳門錢聽默書林雖近手鈔亦尙不惡至



鐘字卽鐘字妄人逐字硃改可笑之甚自來古書遭庸妄  
子任意改竄不知凡幾矣乙丑冬日按潛研堂文集謂宋  
史樂志書以琰爲大理寺丞儒林傳書樂成遷太常寺丞  
與樂志異太常殆大理之訛

直齋書錄解題

書錄解題二十二卷武英殿聚珍本盧學士借陵多所補  
正凡字畫之不合六經者悉皆更定彌見前輩讀書之精  
審深可寶愛簡莊徵君復校補十數條內卷十二至卷十  
四卷十九至二十二先君子曾得舊鈔殘本手校於上復  
以贈嘉興陳梅軒進士嘉慶乙丑簡莊得陳鄉人從梅軒  
借錄本一冊以示先君子因復錄於是本並書十四卷復

云予向有舊鈔書錄解題殘本後以贈構李陳進士效曾  
效曾官楚中十餘年移疾而歸所患乃失心之疾此書予  
未有副求前書一校此本亦不可得頃簡莊從吳中購得  
一本則有效曾鄉人曾與效曾借予覽本而手校者惜不  
知姓氏考其所校時迄今已二十有五年矣因復從簡莊  
借錄於此本不禁閣筆爲之三歎嘉慶乙丑阮牀志又書  
廿二卷末云嘉慶丁卯仲秋秀水王稼洲茂才過訪予出  
此書示之其十二卷中所云從同郡陳效曾所借效曾之姓  
名稼洲亦不辨稼洲名尙繩尊甫省齋大令 元啟 禾中篤  
學士也於效曾爲前輩 簡莊跋云近客吳中從書賈購  
得而齋書錄解題係聚珍本中有朱筆校語初不知爲何



人及閱卷之十二上有標題云借同鄉陳進士贈所藏海  
甯吳葵里鈔本殘帙校始知吾鄉槎客明經曾有舊鈔以  
遺秀水家效曾進士而此君復從借校者也惜乎僅題年  
月不著姓名觀其書法秀麗亦甚可愛曾予歸里攜示明  
經一見心喜如逢故人既爲重錄於廬抱經學士手校本  
上余復借廬校本傳寫對勘一過凡改正數百字并從文  
獻通考補得十餘條其黃筆者皆是今而後庶幾可爲謄  
本因念抱經學士已歸道山效曾進士久患心疾而明經  
之年亦七十有三矣予得挾書往來賞奇析義能無欣感  
交至哉按陳振孫宋史無傳癸辛雜識別集載徐元燕一  
條知振孫于淳祐四年官國子司業又會稽續志浙東提

并錄  
手系  
是言

三  
聚珍板印

舉題名有陳振孫端平三年二月初六日以朝散大夫知  
台州兼權八月正除十月二十六日到任嘉熙元年改知  
嘉興府是振孫由浙東提舉改知府屬太鴻徵君宋詩紀  
事作浙西提舉誤也 四庫全書總目又引癸辛雜識甫  
田陽氏子婦一條稱陳伯玉振孫時以倅攝郡又陳周士  
一條稱周士直齋侍郎之長子謂振孫始仕州郡終官侍  
郎不止浙西提舉然檢毛氏汲古閣所刊癸辛雜識無此  
二條未知總目所據何本且云浙西提舉亦承厲氏之誤  
耳此書有隨齋批注不書姓名錢辛楣詹事養新錄云元  
時有楊益字友直洛陽人官至撫州路總管所著有隨齋  
詩集或卽其人因附書之嘉慶十年七月海甯陳鱣記



葉竹堂書目

葉文莊公葉竹堂書目鈔本二冊前有公自序係從涇東  
彙錄出間有缺字後有五世孫恭煥七世孫國華二跋每  
書不記卷數但書幾冊自序謂葉氏書目六卷今此本不  
分卷序後附書厨銘云讀必謹鎖必牢收必審閱必高子  
孫子惟學數借非其人亦不孝可爲世守藏書者之護則

絳雲樓書目

有鈔本不分卷凡上下二冊首有曹倦圃先生題辭末有  
倦翁後跋

千頃堂書目

千頃堂書目三十二卷杭堉浦太史道古堂藏書中有跋

史手跋云台千頃堂書目金陵黃俞邵所輯俞邵徵修明  
史爲此書以備藝文志採川橫雲山人刪去宋遼金元四  
朝刺取其十之六七爲史志史館重修仍而不改失俞  
邵初指矣元修三史獨闕藝文全在明史網羅如後漢晉  
不列此志隋書獨補其闕不必定在一朝也歲在辛亥從  
聯書亭朱氏購得此本亟錄出以箴中官之失說者得無  
笑其迂乎戊辰六月一日舊史杭世駿又書云其中宋人  
著作係宋史藝文志所遺非複出也緣飲先生爲先君  
子購得復從抱經學士借金陵新校勘補又從道古堂遺  
文內補鈔黃氏書錄序于卷首內地理一門太史序言增  
補先君子以爲還閱此書又不如所云疑此外別有一本



取諸家書目續補編書於上詳愚谷文存跋語中又  
加紙錄抱經學士與其弟書云黃命邵有明史經籍志原  
稿體例較好今千頃堂書目乃從此出雖增添甚多而雜  
亂無序且置書之帳簿而已我已先鈔得書目今雖于  
易只得將黃志細細校補所增添小注甚多并書目之所  
漏者亦間有之俱補全矣我晚年要搜羅彙梓人物并涉  
舊宗者俱要訪求

讀薛敬求記

有刻本四卷先君子校閱記後云此書未刻之前最爲難  
得錢塘吳尺牘先生嘗言竹垞檢討典試江南與禮王會  
飲以扁錢氏詩史編出一鈔償以美裘一襲白金十兩

前輩之好古如此亦可起敬也此刻視鈔本間多舛謬  
未得一校姑俟異日求之壬辰四月某記 嗣從朱朝齋  
文學借汪氏振綺堂校錄瓶花齋藏本對勘則齋書後云  
此爲友人朱秀才映溥手校本乃振綺堂主人  
即所稱車軒主人  
從家顧亭上舍借瓶花齋藏本屬映溥校勘者據諸君跋  
語其丹黃已不下四五過然予細閱之此本之譌舛略  
固多而振綺本亦未爲盡善故二本之互異者各書之簡  
端俾映溥更刊覆校庶幾二本各歸精當耳 又傳諸  
跋于卷首 尺鬼先生跋云絳雲未燼之先藏書至三千  
九百餘部而錢遵王此記□□有一種皆紀宋板元鈔及  
書之次第完缺古今不同手披目覽類而載之牧翁畢生



之菁華萃于斯矣書既成福賓枕中出人每自攜帶微  
顯竹垞謀之甚力終不可見竹垞既應召後二年典試江  
左遵于魯於白下竹垞故令客置酒高譙約遵王與偕私  
以黃金翠裘予侍書小史收鐫預置楷書生數十於密室  
半日寫成而仍舊之當時所錄并絕妙好詞在焉詞既列  
而致遵王漸知竹垞詭得且恐其流傳于外也竹垞乃設  
言以謝之竹垞既重違故人之命而又懼此書之將滅沒  
也終年始一授族子寒中余聞之久矣然知其嚴祕勿肯  
與近者校讐諸書寒中得予之勞竟許以贈余以白金一  
斤爲壽再拜受之亦設辭辭焉嗟乎書乃天地大公之物  
也然有可傳有必不可傳正如修丹者既成人皆可餌而

烹煉之方非堅精凝潔者弗能守然猶可傳者丹之法而  
必不可傳者丹之道大道在人非其人莫與則斯志也已  
書之卷末示我後人康熙五十六年三月十八日錢唐吳  
焯 □□先生跋云此書向惟曝書亭藏有鈔本珍祕不  
出先君子以重價購得之稼翁晚年力不能守元鈔宋刻  
而散失飛而此書遂流落人間吾友趙君用亨爲刻之吳  
興卷端冠序一首借先友傳編修玉笥之名傳不知也偶  
於書肆中見之大慙且以舊史官三字爲犯時忌徧告當  
事欲毀其版幾允所請賴先子解紛得寢然用亨亦因此  
懼憤不復刷印示人矣信乎古今典籍傳與不傳蓋有一  
定之數不可強也乾隆丁巳小除日錢唐吳城記於瓶花



廟又跋云絳雲一炬祕本不可復見遵王著敏求記一書

後人賴之以考證天水鐫板行世有功典籍匪淺當時不

乏文人必借玉筍太史之名以弁其首較之題碑視韻不

謂愈乎玉筍翁何亟亟於求毀耶斯亦可謂不愛沽名者

矣小谷跋時甲申臘月既望燈下

右繡谷亭本跋語三則

則齋先

生記此後云此書東軒主人藏本二一爲吳百谷先生鈔

本二册一卽此本趙谷林先生藏鈔本四册從丁龍溪先

生手鈔繡谷亭初校本借鈔者也其後繡谷先生覆校三

次改抹之處此本未經是正乾隆丁亥八月一日主人從

順亭先生借得繡谷亭本屬文藻重校嚮所疑誤者改正

凡百餘字此本洵完善矣文藻後進末學何幸得窺先正

□修之祕而私淑老成嗜學之勤撫卷沈思愧喜交集仁  
和後學宋文藻記 先君子書此數跋後云右跋凡四則  
從武林汪氏振綺堂所藏小山堂舊鈔本傳錄予嘗病刊  
本多誤間以硃筆評校終未能釋然乾隆甲午從書局中  
見此本因亟假歸覆勘更有數跋附錄于後凡緣筆者皆  
是也廡蒙協洽六月一日阮牀某識 尺鳧先生跋云遵  
王撰成此書祕之笈中知交罕得見者竹垞檢討校上江  
南日龔方伯徧召諸名士大會秦淮河遵王與焉是夕私  
以黃金青鼠裘予其侍史敬儀得是編命藩署廊更鈔錄  
并得絕妙好詞既而詞先刻遵王疑之竹垞爲之設誓而  
謝之不輕授人也晚年稍稍傳出江南舊家間有之予從



庶幾中得授此本惜其字多繆誤書當時半寫成未經  
校對其間書雖不多宋版元鈔要皆奇祕真書林之寶也  
吾友敬身丁君獲此本於石門呂氏此又從竹垞已亡後  
其家竊錄而出錯誤更多偶以余所藏本校其大概尙未  
盡也嗟乎牧翁以十萬金錢購置奇書而遭王耳聞目見  
盡平之致力僅載此六百餘種所訓選其精華觀者不  
當以尋常書錄視之也雍正甲辰冬至月廿又六日燈下  
焯 谷林先生跋云是本向吾友丁敬身借鈔有緗谷手  
校記語誤繆處十正八九聞石門袁舒雲家藏善本俟再  
取校之甲辰除夕小山堂錄畢谷林 又第一冊後記語  
二則云雍正甲辰正月蟬花居士取鑒兒呂氏明農草堂

手抄本  
明倫彙編  
家範典  
卷一百一十五

三

聚珍板印

舊本手校是月小盡燈下記丙午秋闈後以趙用亭新刊  
本再校則齋先生書此後云右二則見繡谷亭本第一冊  
後乾隆丁亥八月二日文藻校錄第二冊後記語三條云  
十二月十日校畢并呂氏本參勘付城南丁敬身焯記明  
年乙巳再校一過小年朝石門舟中記又明年丙午吳興  
趙用亭已將此書梓行惜其譌字過多與之校正又對一  
徧此本又改正數字重陽後二日則齋先生書此後云右  
三則見繡谷亭本第二冊卷終八月三日校畢識於此以  
見先生校勘之勤如是也文藻記

也是園藏書目錄

右鈔本一冊不分卷無序目



傳是樓宋元版書目

傳是樓宋元版書目一冊先君子手寫本後有黃黎洲先生傳是樓藏書記汪鈍翁邵青門二先生傳是樓記

傳是樓書目

傳是樓書目三冊不分卷無序首冊總目分四部以周興嗣千文編號內有黃筆墨筆補記處先君子書後云傳是樓書目二冊雖蠹簡塵編然上下旁行之注猶是東海手筆也勿易視之兔牀記 又鈔出六冊亦不分卷知不足齋主人所贈係綠飲先生手錄

道古樓書畫目錄

右鈔本五冊目錄一冊先君子記云此爲插花山馬寒中

上古所載上自三代下迄有明凡金石碑版以至法書名畫真蹟題跋靡不甄錄蓋將勒成一書如珊瑚網清河書畫舫之流此乃其草創總目上下添注者猶是寒中手筆予夙負書畫之癖恨生也晚不及與前輩周旋縱觀道古樓收藏之富癸卯殘冬花山後人有持此數帙屬沈呂璜孝廉求售人無應之者余遂購之雖知其殘缺不全亦以見前輩好古之殷云爾乙巳杪冬兔牀書

延令書目曝書亭書目靜惕堂書目

百三種合爲一冊知不足齋鈔本每種後題重錄歲月並鈐知不足齋鈔本圖記先君子書延令宋版書目後云嘉慶乙丑黃蕘圃刻此目于吳下



汲古閣書目

右鈔本一冊不分卷無序目間有說見各書下

汲古閣刊書細目珍藏祕本書目

汲古閣刊書細目子晉先生所記每部皆記頁數每類又  
記總頁數先君子有補遺一紙夾書中計王肅注家語王  
逸注楚詞羣芳清玩五音韻譜牧雲和尚七會餘錄宗本  
授機頌病遊二刃病遊初草病遊後草等簡莊徵君又書  
羣芳清玩種數及頁數細目一紙先君子記其後云右吾  
友簡莊所記予未曾見此書庚戌暮春過松陵楊慧樓進  
士案頭適有此書恍焉如對故人時與簡莊別三年矣汲  
古閣珍藏祕本書目斧季先生所記每部皆記價值蓋以

書歸潛稼堂先生此其細目也凡與時本不同者略記數條足資證據末有從孫琛題語

元祕書監志

祕書監志十一卷元承務郎祕書監著作郎王士黜承事郎祕書監著作佐郎商企翁同編首載至正二年聖旨竹垞檢討序稱祕書監志而書題祕書志先君子書云曝書亭集作祕書志監字似不可少又書目錄前云此志既用國書語多鄙俚而每卷立題尤荒謬不通恐并非王商手筆或後人妄撰此目未可知惜竹垞竹汀諸公均未論及書卷末云丙寅五月仲魚孝廉爲予從吳中購得此志其卷數門類與十駕齋養新錄所載悉同惟葉數養新錄



共二百六十五葉而此計二百六十八葉豈宮詹所見本  
尚有闕葉歟此本舛錯甚多予雖以意校終未能釋然復  
屬仲魚訪之三吳藏書家率與此本無異仍攜以見還仲  
魚亦照錄一部并於紫微講舍嗟乎宮詹往矣誰復與予  
輩再訂此書耶嘉慶己巳五月吳某記

辨經樓藏書題跋記

辨經樓藏書題跋記卷三終

聚珍板印  
張珍板印



拜經樓藏書題跋記卷四

海昌吳壽陽虞臣纂 吳縣後學江杏溪重校

纂圖互注老子

宋本纂圖互注老子二卷卷首序題太極左仙公葛元造  
每葉二十四行每行大字二十小字二十三有方纂時鳴  
私印方而怡際明父圖記

真經道德指歸注

真經道德指歸十三卷題蜀郡嚴遵字君平撰谷神子注  
卷首爲總序並元德纂疏 先君子跋見愚谷文存 又  
別錄 四庫全書提要簡明目錄渭南文集郡齋讀書志  
獨本蜀本讀書敏求記各條爲一冊 四庫提要目錄云

新刻  
附錄  
卷之三

聚珍版印

問學佳作元羽外編序稱近刻嚴君平道德指歸論乃吳  
中所僞作今案通考晁氏之言案此條通考所引與今本諸書志不同先

君子書云通考所引讀書志乃衢本世行板本乃蜀本故

互異也又谷神子注本晁氏尙著錄十三卷不云佚闕此

本載谷神子序乃云陳隋之間已逸其半今所存者止論

德篇因獵其譌舛定爲六卷與晁氏所錄亦顯相背觸且

既云佚其上經何以說目一篇獨存至於所引莊子今本

無者十六七不應遵之云云先君子又書云按六卷本

指歸論前列谷神子序者安知非明末人從十三卷中鈔

此序以冠卷首晁氏所云十三卷谷神注今道藏尙有之

原未嘗佚闕所稱莊子曰卽君平以既諱嚴卽稱莊子誤



認爲子甫殊費詞矣

### 晏子春秋

元刻本晏子春秋八卷篇目內如首章莊公矜勇力不顧行義晏子諫第一後同明時本作諫矜勇力不顧行義不書全題又篇內按語俱作大字加圓圍以別之明時本則作小字分注于下與此迥然不同矣惜首闕半頁有書帶艸堂疑冬書屋馬叔靜圖書記諸印紙墨俱古抱經堂羣書拾補云劉向叙錄云定著八篇二百一十五章予所見者明吳勉學本止七篇二百三章今陽湖孫氏星衍得沈敬甫吳懷保本校梓者分八篇多十二章與叙錄之數適合今此本篇章亦同學士曾借校並補刻全目於後書云

余校晏子將竣吳槎客示余元人刻本其每卷首有總目  
又各標於當篇今本皆缺目錄以此補之

又

明鈔本晏子春秋作四卷卷三後書萬厯十六年冬吳懷  
保梓卷一後書崇禎十三年庚辰閏四月初六日校錄於  
雪霞齋仁和鄭紹孔伯翼甫識蓋卽從吳刻本傳錄者末  
附柳宗元辨晏子春秋一序史記管晏列傳及孔叢子六  
條按文獻通考引崇文總目晏子春秋十二卷晏嬰撰原  
釋晏子八篇今亡此書後人采嬰行事爲之以爲嬰撰則  
非也幾剛接玉海引文總目同書錄解題晏子春秋十  
二卷齊大夫平仲晏嬰撰漢志八篇但曰晏子隋唐七卷



始號晏子春秋今卷數不同未知果本書否蓋晏子八卷  
早佚後人采嬰行事爲之加以春秋之名共作八卷者猶  
仍漢志之舊此併爲四卷且篇目不載全文視前舊刻本  
漸失古意矣惟崇文總目書錄解題俱十二卷而四庫  
書目及余家舊刻作八卷疑又經後人併合以符漢志八  
篇之數也

曾子

元本曾子二卷內外篇凡十四每卷題傳道四子書曾子  
卷弟次有違左序每篇末引宋諸儒說及陸左按語自大  
戴禮中錄出者凡十篇有楊簡注他若汪晫趙汝騰劉清  
之章樛宋鳴梧曾承業戴良所編分見於儲藏家著錄蓋

此書原本早佚諸家各據當時所傳之本互有編輯卷第  
分併亦各不同耳

荀子

元本纂圖互注荀子二十卷每葉二十二行每行大字二  
十一小字二十五序目不全盧學士校刻荀子曾借其讐  
校學士舊刻叙此書云元刻纂圖互注本此乃當時坊間  
所梓脫誤差舛不一而足然正以未經校收之故其本真  
翻未盡失書中頗多采用

呂氏春秋

呂覽二十六卷元刻本卷首有遂昌鄭元祐序序後有嘉  
興路儒學教授陳泰至正十下缺  
吳興謝盛之刊一行每



集二十行每行大小字俱二十有南書房史官海甯查慎  
行字夏重又曰悔餘得樹樓藏書諸圖記蓋曾爲初白先  
生收臧序首缺半頁先生手書補全 先君子識簽云此  
元初刻本序文前半頁乃查初白先生手筆鈔補真如白  
牘體矣兔床志 前副頁附松蘿先生手札云呂覽卷二  
十一慎行論中有緩氣之說不獨元板則板亦不刪已檢  
得次龍口之說大約在淮南子注中弟處淮南子乃明刻  
本有批點者注極略鄴架所儲或係別本望便中查示再  
呂覽匆匆閱過但縱目力所至恐尙脫漏並乞留神再檢  
爲感

# 太元經

宋本太元經十卷後附王涯說元五篇太元經釋文一卷  
萬玉堂刊本有右迪功郎充兩浙東路提舉茶鹽司幹辦  
公事張實校勘一行每葉十六行每行大小字俱十七中  
多缺筆避諱之處有子孫保之太師趙氏世德堂印長川  
吳氏諸圖記盧學士借校原缺三卷學士影鈔補全據錄  
陸績述元數行于首頁並記云又有說元五篇唐宰相王  
涯字廣津纂又有太元經釋文一卷注云此本自侯芭廣  
翻宋衷陸績互相增損傳行於世非後人之所作也按是  
書紙色甚舊每卷皆首范望字叔明解贊卷末有云楊氏  
本自元首已下至元告凡十一篇並是宋衷解詁陸績釋  
文共爲一注范望采二君之業折衷長短或加新意就成



此注仍將元首一篇加經贊之上元測一篇附逐贊之末  
餘自元衝以下至元告九篇列爲四卷三家義訓互有得  
失以待賢者詳而正焉 卷三後先君子書云嘗收得萬  
玉堂舊刻太元經紙墨頗佳前葉日記纍纍蓋橫塘吳氏  
曾藏之情前闕三卷無從物色餘姚盧紹弓學士續補方  
言時嘗借觀之亦惜其不全閱數年學士掌教晉陽偶借  
得余本因憶及予家缺卷亟令措書手爲補錄三卷從數  
千里外寄余俾成完書其好古懷友之心均非近人所  
有也爰識于此俾後人知是書獲全之始末云乾隆癸卯  
夏仲堯床吳某

### 賈子新書

荆溪集

五

卷之五

石新書十卷明正德九年陸良弼刊本有黃寶序先君子  
以欽遠猷校本過錄於上每卷首題新雕賈誼新書下題  
梁太傅賈誼撰目錄後有建甯府陳八郎書舖印一行前  
有袁氏宋本校過一行並補審取舍篇於過秦目下係以  
何孟春跋語及己亥三月遠猷題記又卷末書云賈子此  
無善本互有訛缺今集彬陽何氏本長沙本武陵新本及  
此本參相去取得正其十之四五不可考者仍闕以俟別  
本更訂己亥三月十有二月燈下遠猶書按遠猷即欽遠  
猷抱經堂盧氏本所稱李空同本正德八年刻後有欽遠  
猷者不知何時人是也又謂何氏於文義不順者頗加竄  
改又於過秦論後補審取舍一篇乃錄大戴禮察篇全文

今不用其宋本當卽盧氏所謂建本明毛斧季吳元恭皆  
據以改近世之本者是也以有建寧府陳八郎一行故稱  
建本云

又

右盧氏抱經堂本先君子以明刻大字本校至二卷止記  
前云乙巳夏五有書買持明刻賈子一部欲售於予先爲  
汪氏映月軒所得因借閱之其字視今時本頗大前有黃  
寶序已不全似卽所謂陸良弼在長沙所刻本是目手校  
二卷屬有事未竟他日當再借以卒業也槎客記又書卷  
末云抱經學士校刻此書具費苦心可謂有功於長沙者  
某嘗觀明何燕泉餘冬序錄中述賈誼新書數條語甚詳



燕泉并有校定重刻本書此以俟他日更訪求之幸未人

風俗通

風俗通義十卷前有劬自序元大德丁未大中大夫行都  
水監李果序復有宋嘉定十三年東徐丁黼跋卷首題大  
德新校正風俗通義每葉二十行行十六字卽抱經堂羣  
書拾補所樹大德本者是也拾補載李跋作李晦與此異  
尙有謝居仁跋此本無之而有嘉定十三年丁黼跋知此  
本從宋本出也按謝序予觀風西浙至無錫有耆儒李顯  
翁晦來訪云云據此李字顯翁則當名晦此本作果疑誤

王西莊光祿所藏  
大德本亦作李果

說苑

說苑二十卷宋刻本每葉十八行行十八字卷末題咸淳  
乙丑九月鄉貢進士直學胡達之眎役迪功郎改差充鎮  
江府府學教授徐沂迪功郎特差充鎮江府府學教授李  
士龍命工一條 仁和孫頤谷侍御跋云海昌吳兎牀先  
生以宋本說苑見示乃咸淳乙丑所刻予取以校叢書程  
氏叢刊本其立節篇云比干殺身以成其忠尾生殺身以  
成其信伯夷叔齊殺身以成其廉程本脫尾生句則與下  
文舉忠舉信舉廉之語不應又復恩篇蘧伯玉得罪於衛  
君一則程本所無此舊刻之可寶然予尚有疑者晁氏郡  
齋讀書志叙說苑篇目避宋孝宗諱易敬慎爲法誠而此

本不易且李善文選注及太平御覽諸書所引說苑間出  
今二十五篇之外王厚齋南宋人也撰困學紀聞引晉靈  
公造九層臺荀息上書求見云云此本亦無之則是書之  
闕佚者多矣校勘既竣因還其書而錄所疑於後甲辰二  
月仁和孫志祖跋 吳門黃薨圃主事跋云此咸淳乙丑  
九月重刊本說苑拜經樓藏書也余友海甯陳君仲魚知  
余新得宋刻廿二行廿字本校諸本爲勝因取是本相示  
余校讀一過與向所見顧抱沖本相同而字之正誤彼此  
互異當是版有原與修之別印有初與後之殊也其妙處  
卷四立節篇有尾生殺身以成其信一句卷六復恩篇多  
木門子高一條自明天順本以下皆無之則信稱善本矣



惟是卷六陽貨得罪條多非桃李也四字余本爲然與紹  
司廬學士羣書拾補引御覽合此猶失之其他與余本異  
者亦復彼善於此此真宋本之乙邪內闕第十四卷向未  
標出惟抱沖本亦闕八至十三卷此本可補惜抱沖已作  
古人拜經又居他邑彼此鈔補爲難耳丁卯小春望日讀  
畢復翁黃丕烈是本紙墨古雅每卷末有黃瓘亭藏書  
圖記第十四卷從別本鈔補先君子書孫跋後云甲辰  
春借丁小正學博過頤谷侍御齋予以宋版說苑眎侍御  
旋爲予作跋屈指今十載矣癸丑夏展閱此書并錄其跋  
于卷後因識又云此書爲吾鄉陳茂才以同舊藏予用善  
價購得兒壽照甚愛之丁未春計偕入都攜之行篋州車

近思錄續錄

卷

聚珍板印

往返未嘗暫離不意旋染目書廢書者四五年展閱此書  
慨焉寤歎

帝範

右四卷知不足齋叢書校刻本綠飲先生記面頁云第三  
次校修 先君子又爲覆勘書後云戊戌冬夜橫河舟次  
用吳郡黃省曾嘉靖己丑刊本讐勘凡指出八十餘處

近思錄續錄

近思正續錄二十三卷宋刻本每葉二十六行每行大字  
二十四小字二十五六字不等紙墨精雅有東谷武原鄭  
氏圖記蓋端簡齋藏彌足珍重

太平廣記

右明刻本□十□卷簡莊先生依朱本手校先子跋云此  
明刻本太平廣記爲譚愷開雕較世行坊刻猶有古意卷  
首有郁逢慶叔遇圖記按叔遇嘉興人性喜收藏書畫崇  
祖中嘗手輯古今名人法書名畫題跋記正續各十二卷  
可與汪氏珊瑚網係氏庚子銷夏記相韻頗惜未有爲刊  
行者此書間有闕番皆郁氏原補而陳仲魚孝廉復依宋  
板爲予手校一過尤可爲插架之良本矣嘉慶癸酉立春  
月八十一叟吳某志于西籜

纂圖互注文中子

宋本纂圖互注文中子十卷前有文中子纂事世系年表  
一書祖河汾韓子王王無目錄有阮逸序末卷數篇後爲



杜漁父中子世家錄唐太宗與房魏論禮樂事關子明事  
書錄解題云唐志五卷今本第十卷舊傳以此爲前後序  
王福時王氏家書雜錄等此本與前纂圖互注老子同紙  
墨俱佳有海昌馬思贊印中安一號漁邨圖記

鑑誠錄

鑑誠錄十卷影宋鈔本 先君子書後云右鑒誠錄十卷  
後蜀東海何光遠輝夫所撰晁氏讀書後志謂其在唐證  
中纂輯唐證未詳其義觀所紀多唐末五季及西蜀時事  
皆朱竹垞檢討嘗得宋槧本乃項氏天籟閣舊藏首闕劉  
暇度序此本從金閭宗人伊仲借錄蓋影宋鈔也劉序亦  
無閒多闕文聞桐鄉金雲莊比部新購得宋刻本亦有闕

文未始與此本同否當更借校之乾隆丙午閏七月十五日  
虎牀吳某識

文心雕龍

胡夏客曰隱秀篇書脫四百餘字余家藏宋本猶完丁丑  
冬復得崑山張誼嘉氏雅芭緘寄家藏鈔本爲校定數字  
以貽之朋好夏客字宣子海鹽人孝幃先生子也然據所  
錄補四百餘言尚不無魯魚爰復爲校訂錄於簡端槎客  
吳某記

澠水燕談錄

有十卷明商氏稗海刻本緣飲先生於乾隆甲辰嘉慶壬  
戌兩次從宋本校均識歲月于後丹黃排比幾遍并於卷

首補錄紹聖二年自序 先君子書云裨海中所刻書多  
芟節譌謬而澠水燕談錄其尤也往嘗見吾友鮑綠飲有  
宋本最善未及借校時往來於心頃綠飲特爲予取是本  
而手校數過遂成善本後人其珍之倘有好事者依此重  
刻則更執林一快事矣癸亥三月兔床吳某志時年七十  
又一 原本忠孝才識爲四卷依宋本卷五高逸一門仍  
是第四卷以下遂遞差一卷 先君子記後云前原序自  
云十卷今據綠飲所校則止有九卷豈此下尙少一卷乎  
當更叩之參軍耳

雲麓漫鈔

雲麓漫鈔十五卷

先君子從知不足齋借本傳錄手自



校正用硃筆並屬朱巢飲先師校用錄筆 十卷後有綠

飲先生跋云雲麓漫鈔刻於商氏稗海者祇四卷此本傳

自顧氏小山堂較商氏所刻已多過半而宋詩紀事及南

宋雜事詩所引李易安投翰林學士綦崇禮書不在焉然

則此尙非全書耶更當覓善本訂正之乾隆壬午端午後

一日知不足齋識又云曹彬侯跋清波雜志云雲麓漫鈔

二十卷則此亦僅有其半耳丙戌五月廿有九日蘆渚寓

舍書又書十五卷末云乙未十二月十二日得十一卷至

十五卷下小山堂字清照收藏十四卷中則此書

祇十五卷四所云二十卷者恐未足據耳 先君子書後

云原字之目從緣飲借書雲麓漫鈔十五卷四爲傳錄并

借外君允達校而藏之拜經樓按此書書錄解題亦作二十卷又續鈔二卷乃中庸說及漢定安公補記然藏書家率未聞有豈不傳耶俟續訪之吳某簡莊徵君從予家借錄跋云嘉慶十一年夏日從拜經樓借得是本攜至吳中今年春始得倩人傳錄甫竟遂手錄緣飲前後三跋并拜經樓主人所跋所評細校一過至吾師朱子則稱師云以別之適緣飲扁舟過吳見訪相與把玩爲之一快且謂余曰此書尙缺圖數頁故未刻入知不足齋叢書緣飲年八十矣尙健飯行不扶杖時攜書卷往來杭湖嘉蘇數郡閒其好古清興正復不異昔日也嘉慶十二年四月望日

郭海陳鱣記

容齋五筆

右影鈔舊本原有硃筆評校 先君子復借知不足齋所  
藏義門先生評校本過錄書後云乾隆辛丑春日借鮑君  
以文遊武原有書估謁予用次攜鈔本容齋五筆求序有  
硃筆評校蓋陳宋齋先生筆也因酬以直得之復從鮑君  
借所藏何義門先生評校本用藍筆點次鮑本末復有竊  
溪照跋不具錄壬寅冬日甌床吳某識 義門跋云前四  
筆皆十六卷而此止于十卷蓋未成而公已□□□□之  
已五年今始粗閱一過予之廢學亦可見矣去年□□□  
□□□多戚以爲非計不知都下借書至不易得也冬間  
□□□□滯大定精舍鄉人以會試至者謂予曰所攜書亦



曾看過□□否予愧謝之然能於半歲中閱三四千卷雖  
古人或難之鄉人殆不識甘苦之語以警予之情則可耳  
又五月二十一日沂州奈園書塾書配瞻康熙乙未十二  
月重閱□□中至正月三日而畢去甲戌客臨沂時已二  
十餘年矣予精神日已向衰讀書所向抵滯聰明非復當  
□□□之留示餘兒少小當早自鞭策也

默記

默記一册巢飲先師手寫本 先君子校並錄朱明齋鮑  
綠飲二先生校文于上記簡端云朱鮑校俱用硃筆兔牀  
校先用紫筆繼用綠筆 後有葉石君跋謂湖賈攜舊鈔  
本至先爲林宗取去林宗本尙有五總志 鮑跋云五總

志南宋吳迴所撰世多求見予近始得之因自歎就書之  
癖不減昔人所恨林宗石君輩不見我耳乾隆甲午秋日  
廷博 朱跋云甲午九月廿五日鮑綠飲以此本屬爲校  
勘因合汪氏飛鴻堂汪氏振綺堂藏本互勘三本皆善矣  
朱文藻 又鮑跋云朱君映溥校訖見還予取飛鴻堂本  
重勘仍是正數十處然飛鴻堂藏本不佳尙有譌脫無從  
改定亦一恨也九月二十七日燈下記 先君子跋云明  
目洞昌吳某復從知不足齋主人借觀據其所見筆之簡  
端又不下數十處而此外譌舛者亦尙有數處終未能釋  
然此昔人所以有風庭掃葉之歎歟又跋云癸巳歲予借  
得以文本舊友朱君雲達爲予手鈔且以意改其亥未藏



之篋衍今予又得朱鮑二君從汪氏二本校過者比此一  
書合四家藏本經四人手眼吾輩之好書可謂勤矣他日  
以示雲達當更爲之忻然也甲午十月二十七日橫河舟  
次兎牀再志 簡莊徵君從予家借鈔書後云丙申七月  
二十七日余從拜經樓借閱因亟命胡生鳳也鈔之至八  
月二十七日鈔畢其諸家校本仍照各色書之更有一二  
改正處即用黃筆合觀之恍似文通夢中五色筆矣鯁識  
吾鄉有王性之廟不知卽撰默記者否俟考卷後有葉石  
君跋按石君名萬吳之東洞庭山人晚家琴川聚書數萬  
卷多手校過余每思其人近日修地志者不載其姓氏殊  
恨事也所云五總志當更從綠飲處借鈔仲魚載筆



別集

右鈔本一册 先君子從知不足齋借錄書後云乾隆丁未秋仲從鮑君以文借鈔按卷首題卷一而尾書卷下終書則止一卷且書中有云詳下卷而未見者疑尙有闕佚當面質鮑子某記

塵史

鈔本四史三卷 先君子手校本按抱經堂文集書後云記其本朝君臣事跡頗可以資考鏡彥輔初受學于鄭介夫又嘗執經於胡翼之其師友多賢者故此書在宋人說部中爲最醇又謂假得虞山毛黼李校本自言得三本參校而以何元朗所藏爲最善此書舊有作四卷者雖篇葉

稍以然非其本來也故今所鈔仍依三卷之舊云此本亦三卷未知視元朗本何如當更訪之

羅氏識遺

舊鈔本羅子蒼識遺十卷後有隆慶三年姑蘇吳岫跋簡莊徵君從先君子借校書後云嘉慶十五年十二月既望從拜經樓借得是本攜至吳門以五硯樓袁氏鈔本校勘一過補正良多彼本亦誤者未敢擅改俟得善本再校也勃海陳鱣記於石泉古舍

離騷州本疏

又舊鈔本四卷後有仁傑自跋及方粲跋末列張師尹杜醵吳世傑校正銜名

紺珠集

右鈔本十三卷龔氏玉璫瓏閣舊藏有田居校及江聲借  
題記周耕厓先生曾從先君子借校跋云歲甲辰  
客都門分校續寫四庫書中有紺珠集十三卷原本字句  
錯誤不可讀爲校正二千餘字重寫送館另錄爲四冊藏  
之王疎甫時爲吉士見而借鈔其前三冊已歸會其改刊  
曹後一冊久未鈔竟丁未秋將南旋屢趣求得念是書流  
傳甚少不欲令棄前功而行篋所有非足本闕歸亦無用  
乃以前三冊併付之其郎慶嵩嘗從中遊歸鈔訖寄還閱  
今八載書不通問每一念及未嘗不悵悵也去夏鬼寐七  
兄由此見示欣然如遇故人前有橫河龔氏玉璫瓏閣珍



藏圖記又有龔稼邨秘笈之印校者爲田居爲江聲鬼牀  
云稼邨田居皆錢塘龔蘅圃先生麟切自號玉璫瓏水宋花  
石網故物今尙在橫河姚氏宅江聲則金觀察章志別字蘅  
圃友也其本亦不免訛字然視原本則善矣其異者彼前  
題朱勝非譔而此無明文又多天順間賀榮二後序耳假  
歸歟年事冗今始竟讀一過其書汰繁摘要便於檢閱衰  
拙善忘正苦無記事珠回憶旅牕矻矻樂此不疲日度已  
不能復爾而手校之本遂乃無可追索惜哉乾隆六十年  
乙卯七月十八日耕厓周廣業書

墨志

宣城麻三衡著金壽門先生手寫本內載元時造墨宜興

潘材仲 先君子嘗云某按元時宜興多造墨名手若吳

國良吳善李文遠陶得和湯生不知其名並見倪高士集

中贈詩甚多然則此書所遺漏者不少矣墨志一卷明季宣城麻氏孟瑤

通凡分九類徵引詳論說古無似兼李氏墨譜陸氏墨

史之長考至諸名著復祖屯師結山兵潰被執死於國

義之士其緒餘故自足傳所作語已畧載竹垞明詩

一附注亦希世之書也此舊抄本傳自冬心先生魚豕甚

多先聖亦不校閱未及細勘今春因蔣茂才生次欲列入

讀書復悉心參校一過尚虛疎誤俟明耶

清再審之費光成及孟夏之月消謹識

疑獄集

疑獄集三卷前二卷和凝編後一卷子瞻續前有蠓序及

杜震序此鈔本乃吳氏太初所錄有其圖記太初書後云

此册乃余友鮑以文得於石倉吳氏前頁有朱檢討手書

竹垞鈔本康熙戊子閏月奉寄池北書庫蓋錄以寄漁洋  
山人者也按歸田錄載魯公與馮相道在中書省問韓直  
語直小吏良久及馮相語明哄堂大笑其素性褊急可知  
而用刑一節能采古人精察得情者爲疑獄集以當韋弦  
之佩亦可謂好學深思者矣子顯仁中允繼父志彙成百  
條勒四軸今存六十六條分上中下三卷蓋佚去四分之  
一云辛巳小春月太初吳長元書於留耕艸堂

三器圖義

右錄說郭本 先君子手校

岳陽風土記

右一卷明許嶽重刻本有清康熙六年劉谷豎跋明嘉靖甲



辰陸瑯徐學謨二後序

誠齋詩話

右舊鈔本一卷曹氏古林書屋藏本有櫚李曹氏藏書印  
曹濟二圖記

萬柳溪邊舊話

元尤玘君玉撰舊鈔本末有曾孫實七世孫晉二題跋

百寶總珍集

右舊鈔本十卷不著撰人名氏

宣德鑒器譜

右三卷宣德三年呂棠奉勅編次舊鈔本

法界標幟乾坤體義

二種合爲一冊釋智貴輯廣漆校梓明萬厯間余永甯重刻而序之書各三卷

勾股矩測解原

右一卷姚江黃百家

原名百學

主一所著卷首有沈廷芳用椒

圖二圖記

茶經

茶經三卷簡莊先生鈔本校正見遺 先君子書箴云善本簡莊贈原本作卷上卷中卷下此作卷之一二三每卷前有總目

珩璜新論

珩璜新論一卷 先君子從畢氏鈔本補錄七條書後云

乾隆乙巳殘冬有書賈攜散浦畢氏舊鈔本珩璜新論來  
書分四卷末後多數條因命史補錄按晁氏讀書志載孔  
氏雜說一卷或云卽此書果爾則一卷者乃舊本也簡  
莊徵君復以所得本互勘書後云孔平仲所著談苑說部  
中多有刻者珩璜新論流傳絕少近從南滙吳稷堂座師  
處得一舊鈔本中有竹垞圖記凡遇宋朝故事俱空一格  
知出自宋刻其書亦作一卷不分爲四但前有缺葉後亦  
少數條又多誤字因從拜經樓借得是本補鈔所缺復互  
校一過是本舛錯亦多甚有脫落數行者可見傳寫之書  
非經校讐猶之燕田不治也校畢遂題其後而歸之嘉慶  
十八年二月旣望陳鱣書



盧浦筆記

盧浦筆記 □ 卷鈔本爲同邑林善長先生所藏有其手校  
及按語親筆又有漁洋山人借觀一行評語三條末有昌  
詩後跋及龔蘅圃侍御田居跋謂此帙借鈔于黃俞邵家  
者與郁氏東轍軒藏本當無大異惟少按語一條而多昌  
詩後跋及龔跋耳 先君子審定復經簡莊徵君借鮑氏  
知不足齋本校今歲重陽徵君又於吳中黃蕘圃主事處  
見所藏舊鈔合校家枚庵先生手鈔本內第五卷趙清獻  
充御試官日記多三月三日四月五日事第八卷立起行  
五爲趙立起行伍又卷四巴邱條下多以鄉得名今撫州  
崇仁九字爲向來諸前輩所未及者並詳蕘圃主事跋語

中其餘字句之同異更難枚舉徵君得之以校知不足齋  
新刊本歸而見示聆受之下獲益宏多因照錄于是本是  
本字句行款多與黃本同者然脫誤尙所不免得此校補  
洵稱完善矣惟綠飲先生甫歸道山不獲補刊堂屬嗣君  
清溪上舍附刻校勘各條于後以竟先生之志而先君  
子手澤所存未及以是相質證敬展遺編悲慟正無已爾

### 霏雪錄

右鈔本二冊無序目不分卷後有胡謚張文昭二跋先  
君子題辭見愚谷文存此復錄明史本傳于前記云余既  
手校霏雪錄復從萬季野先生明史列傳稿見鐫續傳亟  
錄于卷首續字世熙別本皆作孟熙唐鐫毛蔡亦見浙江



通志毛鉉傳壬申十月望槎客又志是本爲綠飲先生所  
貽有世守陳編之家老屋三間賜書萬卷歛西長塘鮑氏  
知不足齋藏書印三圖記

棗林外索

舊鈔本棗林外索三集不分卷每集有目錄說孺木先生  
著首有甲午秋七月自序

董令升遺事

附歸廬陵日記

右鈔本令升遺事首李心傳繫年要錄宋史禮志二篇後  
列書錄解題并所著各種一條先君子記云并所著又  
有嚴陵集九卷天一閣藏本見全書總目第一百八十七  
卷又直齋書錄解題有侍兒小名錄一卷續一卷序題朋



溪居士而不著名氏始洪炎玉父集爲此書王銍性之溫  
豫彥幾續補今又因三家而增益之或云董彥遠家子弟  
爲之某按彥遠爲道之字則此二卷亦彛所著無疑今此  
書未見有專行本惟明商潛刻稗海中有侍兒小名錄拾  
遺一卷題宋晉陽張邦幾撰但陳氏又曰且爲分類其中  
多用古字今稗海本不分類亦不見有古字以經後人竄  
削非復令升之舊矣 卷末附宋翌和令升詩跋云某按  
董令升集空傳故原唱不可見右數首從灤山集錄附此  
殆令升守新定時唱和之作蓋長孺紹興中嘗僑居桐江  
也令升又嘗有淵明先生集跋惜未見 此冊後又附鈔  
周蒞公歸廬陵日記起隆興癸未三月甲辰止是年六月

壬申 先君子記云全集第一百六十五卷摘錄宜興事

日知錄

亭林先生日知錄初本八卷後附譎觚十事符山堂刻先生書前云愚自少讀書有所得輒記之其有不合時復改定或古人先我而有者則遂削之積三十餘年乃成一編取子夏之言名曰日知錄以正後之君子又自序上章閻茂之歲刻此八卷歷今六七年老而益進始悔向日學之不博見之不卓其中疏漏往往而有而其書已行於世不可掩漸次增改得二十餘卷欲更刻之而猶未敢自以爲定先以舊本質之同志云云 先君子書第八卷九州條下云某按此二則今刻全本日知錄中不載殆因閻百詩

有駁正之語故亭林遂削去之耶詳見潛邱劄記

又

右潘稼堂先生刻三十二卷 先君子以初本校並有按語又錄閻潛邱補正及同邑許仲韋先生評語于上

又舊鈔本

右鈔本三十二卷先君以校刻本頗多增益書後云丙午秋日得此書以志惠簡莊徵君借校記云戊辰夏自吳門至康山較閱一過

張中隨筆

右鈔本三卷 先君子校閱有按語復經胡雒君陳簡莊二徵君借閱雒君先生有粘簽數十條後附詩律蒙告數



葉先君書云自稱詩律蒙告一卷而此只寥寥數條恐非全本

潛邨劄記

鈔本潛邨劄記七卷後附日知錄補正一卷 先君子評  
閱跋云亭林先生于上章關茂歲先刻日知錄八卷板藏  
符山堂後附譎觚十事者也晚年更自序之以爲中往往  
多疏漏且書已行于世不可掩漸次增改得二十餘卷欲  
更刻之而未敢自以爲定云云今世所行日知錄三十二  
卷乃潘稼堂太史手定而付梓者然視未刻時原本已不  
無異同矣潛邨所見者猶是初刻本所補正已如此使見  
全本其舉正又當何如耶吳某記又云潛邨之學大約欲

與玉峯抗衡而經濟終不及淵博亦遜之錢塘馮山公嘗  
有潛邸劄記舉正若干條見解春集壬子春又記

考正朱子晚年定論

古二卷孫退谷先生著有其自序此鈔本錢綠窗處士書  
後云退谷著書甚富以考正晚年定論爲第一顧當時雖  
曾鏤版而流傳頗少遠近積書家罕有藏弄者友人與君  
子安偶於舊書中檢得一日語次及之遂假以歸亟讀一  
過見其考訂精確陽明復生不能不服夫退谷本以該博  
稱而能留心正學息邪距詖若此殊不若邇來博綜家沾  
沾於無用之辨不急之察語及程朱輒笑爲腐且陋也手  
錄一本藏之笥篋謀重鈐梓以廣其傳卷末所載羅公書

殘缺不全爲考整菴遺集補完焉綠窗錢馥書

西崑發微

右舊鈔本三卷吳芑著首有自序及朱鶴齡序後復自係跋語

榕城詩話

右三卷 國朝杭世駿著有汪沅及杭自序全祖望長歌先君子校並有案語

東城雜記

右二卷 國朝厲鶚著有杭世駿及厲自序 先君子手校記簡端云東城雜記二卷從知不足齋借鈔綠飲言此尙非足本惟郁陞宣茂才東軒軒藏本最佳當更求勘之



甲辰秋七月曝書日記吳某又云乙巳歲吳門宗人枚菴  
借錄又爲勛出數處 簡莊徵君書云嘉慶十四年冬日  
陳鱣借錄于吳門寓舍并校一過時方得樊榭徵君所著  
玉臺書史因與拜經樓主人交易而觀各鈔副本云次年  
春正月鱣識

又韓隨筆

右鈔本一册題隨筆癸亥集前有叔紹貞序稱爲又韓姪  
而不著姓氏先子跋云癸亥集一册近從茗賈得之據序  
稱又韓所撰又韓未詳其姓名似是禹航人曾任麻城令  
觀其書亦一超覽之士周芑兮大令讀之謂予曰明人著  
書大概有二種一爲升菴派一爲舒公派癸亥集蓋舒公

殘缺不全爲考整菴遺集補完焉綠窗錢馥書

西崑發微

右舊鈔本三卷吳芟著首有自序及朱鶴齡序後復自係跋語

榕城詩話

右三卷國朝杭世駿著有汪沅及杭自序全祖望長歌先君子校並有案語

東城雜記

右二卷國朝厲鶚著有杭世駿及厲自序先君子手校記簡端云東城雜記二卷從知不足齋借鈔綠飲言此尙非足本惟郁陞宣茂才東軒軒藏本最佳當更求勘之

甲辰秋七月曝書日記吳某又云乙巳歲吳門宗人枚菴  
借錄又爲勘出數處簡莊徵君書云嘉慶十四年冬日  
陳鱣借錄于吳門寓舍并校一過時方得樊榭徵君所著  
玉臺書史因與拜經樓主人交易而觀各鈔副本云次年  
春正月鱣識

又韓隨筆

右鈔本一册題隨筆癸亥集前有叔紹貞序稱爲又韓姪  
而不著姓氏先子跋云癸亥集一册近從茗園得之據序  
稱又韓所撰又韓未詳其姓名似是禹航人曾任麻城令  
觀其書亦一超覽之士周芑兮大令讀之謂予曰明人著  
書大概有二種一爲升菴派一爲舒公派癸亥集蓋舒公



派也周之語雖如此然視世之但知以爛熟八比取巧者不大有閒哉戊申長至後一日記

沈氏弋說

先子跋云己亥冬日收得舊鈔沈長卿弋說一冊蓋龍山查堯卿上舍藏本也長卿字幼宰杭州人萬歷閒舉人按干頃堂書目沈氏弋說十卷月旦六卷今此編不列卷數又無序目疑非全書也

山陽錄

山陽錄一卷首有社衲米序楊慧樓進士跋云定生先生爲復社領袖縉紵滿天下兵燹之後零落殆盡恨別感時驚心潸淚此錄之作何能已已也繚繞哀音聲聲入破

山陽暮節感頑艷而淒心脾人言愁我亦欲愁矣癸卯孟  
夏松陵楊復吉識 先君子書云予友吳江楊慧樓進士  
喜 國朝名家小品嘗錄得數百種名目續 昭代叢書  
予家秋園雜佩皆從之借鈔者也

秋園雜佩

此卽從楊氏借鈔者有侯方域序子宗石跋語 慧樓進  
士手書跋云是亦易安金石錄序遺山故物譜之類也俛  
仰今昔盡然傷懷佩續紛以繚轉分遂萎絕離異物猶如  
此人何以堪未免有情誰能遣此癸卯孟夏松陵楊復吉  
識

善權古今文錄

右鈔本十卷寺僧方策纂有王濟之文衡山二序李瀛時  
允岳跋 先君子書後已刻愚谷文存中

楊忠愍公手札

右錄忠愍與鄭端簡書題跋一卷 先君子跋已刊愚谷  
文存此冊各有按語又書後云案忠愍公以嘉靖三十一  
年壬子秋陞南戶部主事未之任是冬卽調兵部武選司  
十二月十八日到任明年癸丑元旦日有食之公欲因此  
上書直陳時政故曰一路日食奏稿成也日食次日乃癸  
丑正月初二日考明史世宗紀癸丑正月朔獨不言日食  
殆是日適逢陰晦彼君臣方欲諱災反以內靈臺爲妄故  
有拏打之事公見題目不合遂趨出別艸疏稿卽於是月



十八日奏上此皆與年譜符合無可置疑其所謂南都事  
當卽興學校開荒田緝武備繕城池等皆公平日之欲爲  
而未得者年譜言之悉矣二王事亦不過言父子不宜疎  
遠之意蓋是時世宗尤多嫌忌稍涉建儲事便曰欲死時  
君立新君立置重辟矣公豈見不及此乎至末云湖翁欲  
老先生還朝湖翁當卽徐少湖按端簡本傳以南太常召  
爲吏部侍郎歷階刑部尙書皆如公所言也偶觀諸公所  
題多有異同者聊復識之嘉慶戊午中元日某再跋于竹  
下書堂

顧令君政績卷

右題跋歌詠一冊皆爲令君禱雨陳山龍君行祠而作張

文漁徵士見此卷墨蹟錄出而先君子手書並有按語跋文已見愚谷文存此冊末附許雲邨給諫顧令君頌一篇頌爲先君子所收藏後以贈文漁徵君詳見文存跋語中

許淮陽食史

食史一卷許維則先生著前自序題崇禎辛未賣餽天兩垞老饕書先君子校並有按語

小名補錄

舊鈔本小名補錄後附名花異木記同邑陳香泉先生著先君子書後云此編所收多有與南宋陳思小字錄及明沈宏正小字錄補相同者先君子又輯香泉論書偶

記附後

敬修堂同學諸子出處記

右鈔本一冊原有硃筆點次 先君照錄並校正

渡海輿記袖海編

鈔本渡海輿記不著撰人名氏有雍正十年知將樂縣事  
蜀周子仁序袖海編汪鵬撰有乾隆甲申鵬自作序二種  
合爲一冊 先君子手校並記後云乾隆辛丑十月廿七  
日校於秦溪川次時與室人同送外氏葬還經烏夜邨小  
泊志

一隅錄

錢塘周澍著先生子手寫本蓋澍客臨汀時所記也自序



謂臨汀八閩一隅故以云編又云嚆囊旅食金閭則有姑蘇記事詩二卷都下則有帝京篇四卷涿鹿與李中貴交則有溫樹錄一卷今皆未見予家所收者尙有臺陽百咏鈔本 先君子曾采其茗壺詩入陽羨名陶錄

竹垞初白二先生尺牘

竹垞初白二先生尺牘手跡並爲武原涉園主人所藏蓋皆與寒中上舍者乾隆甲寅春先子假歸彙錄一冊 題竹垞尺牘後云予以甲寅暮春之初與諸名士修禊于海鹽城南張氏之涉園主人雅好事又與予有連是日余以所藏楊忠愍公獄中寄鄭端簡手書真蹟歸端簡後人羹和茂才卽席同人皆賦詩紀事留連竟日頗極文酒之樂

鷗舫旋出此冊見眎蓋皆竹垞檢討晚年手筆也因借歸  
細閱之書凡六十通其間與馬寒中上舍者什九寒中爲  
吾邑藏書家插架多人閒未見本故書中大抵皆論典籍  
事或展轉傳鈔或多方購買於此想見前輩好學之勤嗜  
書之篤誠可慕也至其中論耿炳文沒于洪武二十七年  
而紀傳謂建文命炳文率師禦燕由實錄爲西楊改削文  
獻無徵此書足正史傳之失又尋常簡札酬應之比哉  
因取錄副而以原本還鷗舫俾珍弄之鷗舫爲大白先生  
來孫累世清秘之藏彷彿插花山斯蓋其一斑云是歲競  
渡日鬼牀吳某識 又書初白菴尺牘後云右初白先生  
尺牘蓋皆與寒中上舍者其真迹並涉園主人所藏也某



又記 惜鈔本尚有譌字須再校正爲善倘得好古者梓而行之俾前輩嘉言懿行時時在人耳目所裨豈淺鮮哉

元珠密語

元珠密語唐王珣著影宋寫本每葉十六行行十六字前有自序後漚城成孚氏跋云元密一書除宋版外更無二刻又其書微渺難測世醫亦不欲深究其理是以所傳不甚廣迨今日已成絕無而僅有矣余購之廿年卽鈔本未獲一遇歲乙亥偶於茸城張氏得見宋刻本一時驚喜如覩至寶詢之云以重價購得余懇借再四始獲攜歸卽命諸子弟力疾鈔之近聞張氏本已充進 御物矣余獲借鈔不勝幸甚爰識其始末如此後人其世守之勿替漚城



成孚氏識下有潤疵之印莘畊二圖記 先君子書云元

珠密語十六卷不見于新舊唐書藝文志及文獻通考惟  
晁氏讀書志有天元玉冊三十卷云啟元子撰啟元子卽  
唐王冰也書推五運六氣之變今此只十六卷未知與天  
元玉冊相同否夾漈通志元珠密語十卷不著撰人焦氏  
經籍志同讀書敏求記元珠密語十七卷七或六之譌肝  
江張三錫運氣格以爲託名元珠密語予按其序云余工  
百年閒不逢志求之士遂書五本藏之五嶽深洞中遇者  
可以珍重之寶愛之勿妄傳之見之天生可以延年見之  
天殺可以逃殺傳之非人殃墮九祖其言多詭誕不經肝  
江之言當非謬也嘉慶甲子四月兔牀志 簡莊徵君得

吳中袁氏鈔本復爲互勘一過書云唐啟元子元珠密語  
按啟元子卽王珣也珣註內經序云辭理秘密難粗論述  
者別譌元珠以陳其道宋高保衡等新校正云詳王氏元  
珠世無傳者今有元珠十卷昭明隱旨三卷蓋後人附託  
之文雖非王氏之書亦於素問第十九卷至二十二卷  
頗有發明其隱旨三卷與今所謂天元玉冊者正相表裏  
而與王珣之義多不同是唐時實有元珠一書而宋時所  
傳者疑爲附託但自宋以來流傳甚少耳余得吳中袁氏  
鈔本十七卷與讀書敏求記合此本爲吳氏拜經樓舊藏  
後有成孚氏跋知從宋版傳鈔惟止十六卷今以余所得  
本校之則十一十二兩卷并而爲一又五行類應紀篇脫



落數番彼此互勘庶得完善矣嘉慶十五年除夕渤海陳

鱣記

賜接此書自序云今則直言編輯一十六卷目錄亦十六卷悉分併有所竄易耳

### 宣明論方

宣明論方七卷每葉二十八行行二十五字有大定十二年勾真自序大定乙亥古唐馬□□序紙墨古雅當是明以前刻本首列分門科類總一十八門次列諸藥炮燼炙燂例先君子書河間三書前云河間宣明論方原刻七卷後人翻刻妄分爲十五卷而行款亦多改換余家舊本有大定己亥古唐馬□□序賜按四庫目錄亦十五卷云大旨本索問及金匱要略而用藥多主寒涼蓋因北方地氣而施泥之者非廢之者亦非也白序稱三卷此本乃十五



卷其方下小序有稱灌頂王子所傳者金時安有是名知  
傳刻有所竄人也其作十五卷蓋亦據近時刻本且按守  
真白序云漢今詳內經編集運氣要妙之說七萬餘言九  
篇分爲三卷謹成一部目之曰內經運氣要旨論備聖經  
之用也對病論證處方之法本草性味猶恐後學難爲驅  
用復宗長沙太守仲景之書迺爲一帙計十萬餘言曰曰  
素問藥證精要宣明論方云云是三卷者乃內經運氣要  
旨論非此書也此本前題校正素問精要宣明論方蓋亦  
經後人點勘矣

本草衍義

本草衍義二十卷每葉二十四行行二十一字首行題本

草衍義卷之一次題通直郎添差充收買藥材所辦驗藥  
材寇宗奭編輯首張缺前半頁後半頁第一行聖旨寇宗  
奭特與轉壹官依條施行添差充收買藥材所辦驗藥材  
二行右割付寇宗奭三行政和六年十二月二十八日五  
行宣和元年月本宅鏤版印造六行姪宣致郎知解州解  
縣丞寇約校勘紙墨古雅有汪文柏柯庭休甯汪季青家  
藏書藉圖記面頁題摘藻堂藏

經歷奇證

經歷奇證不分卷明錢唐錢君穎著 先君子從道古堂  
借錄識後云錢君穎在勝國時以醫鳴是編病原治法多  
常人耳目所未及者惜流傳不廣昔年見舊刊於堇浦先

戶部本館書題記

三

聚珍板印

生案頭因從之借鈔以備活人之一種云乾隆丁酉九秋  
鬼牀記

心印紺珠經

右二卷明刻本前有江州陳守義序嘉靖己酉歸德府儒  
學教授浙東葉良玉書後先君子書云按干山堂書目  
心印紺珠經二卷元朱撝作字好謙傳醫學于李湯卿劉  
河間弟子

治法彙

右七卷舊人批本先君子題云岐黃之書惟肝江之說  
最醇正無弊相傳評點者爲石門某氏昔二愚兄有之後  
遊廣陵歸失去常以爲憾嘉慶癸亥夏五月予復購得此



本雖非石門親筆亦有心濟世者之所當留意歟竹醉後  
二日三歸亭長識又云二愚兄有舊時徐養餘齋過錄治  
法彙一部因假而校對則二愚本評點多漏略不全大約  
僅什之二三而已其間有此本所無者以墨筆補之其下  
有稱琦記者二愚謂卽誠庵公未審是否當更考之某又  
識

已任編

古八卷內墨筆朱筆藍筆三種評點卷首眉間書云乙亥  
十月偶評與丁卯庚午批點微別四卷以後係幼時筆記  
有東臯艸堂圖記

痘疹仁端錄

右鈔本六卷明橋李徐謙仲光著先君稱鈔首序二編並  
記首簡云按簡明書目仁端錄十六卷疑衍明徐謙著其  
門人陳葵刪定今此本六卷視近時坊刻五卷者不翅倍  
蓰究不知陳葵定本何如恐未必如此本之詳也鬼床記

葬書

右葬書草廬先生所定分內外雜三篇首有目錄日後序  
云右葬書相傳以爲晉郭璞景純之作內外八篇凡一千  
二百四十二字世俗所行有二十篇皆後人增以謬妄之  
說建安蔡季通去其十二而存其八亦既得之就其所存  
猶不無顛倒混淆之失此本爲最善篇分內外蓋有微意  
雜篇二俗本散在正書篇中或術家秘嗇故亂之也此別

爲篇論類精矣覽者詳焉臨川山人谷澂識前題地理葬  
書集註草廬先生吳文正澂刪定後學金華元默生鄭謐  
注釋後附葬書問對不著名氏有趙子常跋云吾友程君  
仲本最爲留意斯事故書以遺之仲本之師朱君允升其  
人也云云末題至正十三年十月既望趙汴子常書于東  
山精舍是本紙墨精雅古香可愛先君子嘗以示黃堯  
圃主事並別錄宋濂序一紙于後書云吾舊藏元版葬書  
黃堯圃云的屬元刻渠家亦有一部與此本同讀書敏求  
記所載卽此本此宋潛溪序乃明初刻有元本未有也則  
未有宋序者不更可寶歟

顯棋經



靈棋經一冊不分卷無撰人名氏有唐會昌九年尚書司  
門員外李遠叙書中題晉駕部郎中顏幼明註宋御史中  
丞何承天註元廬山叔才陳師凱解大明誠意伯劉伯溫  
解每卦象下皆繫以顏曰何曰陳曰劉曰等解 先君子  
手書通志一條靈棋經一卷張良傅撰又一卷唐李選撰  
齊江謐占得送貨卦見南史卅六御覽七百廿六又書南  
廳記談一則于別紙云傅崧卿以冰餽同舍其柬詞云蓬  
萊道山羣仙所遊清異人境不風自涼火雲騰空莫之能  
口餽以冰雪是謂附益讀者莫解或曰此靈棋也又董舍  
三岡識略云靈棋經不知造於何人前列唐人一序云漢  
留侯受之黃石公用梓木製棋十二刻上中下各四擲成

卦每歲人日以酒果祭之考書披詞吉凶得失莫不奇應  
予度奉二十餘年叩以事十驗八九勝于市廛卜肆多矣  
前列造靈棋法占儀祭儀祝文乾隆壬子十二月十一日  
先君子曾以卜萬蒼山墓地得大通卦

景祐遁甲符應經

遁甲符應經讀書敏求記作三卷此寥寥數十番不分卷  
未知是全書否有永樂十三年御製後序末爲遁甲大全  
集有出行圖十二神圖鈔本有祝眉老印

圖繪寶鑑

右五卷元刻本每葉二十二行行二十字先君子跋刻  
愚谷文存吳中黃堯圃主事跋云夏文彥圖繪寶鑑五



卷載於讀書敏求記者爲得其真他如津逮所刻已合明  
欽天監玉泉韓昂續鑠者而并爲六卷又何論近刻之八  
卷者乎余所收論畫諸書如畫評圖畫見聞志宣和畫譜  
廣川畫跋畫繼畫鑒等皆有舊刻名鈔惟此獨無善本今  
觀此刻歎爲希有蓋書必求其初刻如此刻雖漫漶不可  
卒讀然五卷原書具在後附補遺與他本附補遺於六卷  
後者面目已改豈不可寶且收藏爲廬江王猶是幾百年  
前故物拜經樓主人以爲裝潢極精非民間藏書吾嘗見  
成化時閣本大唐開元占經每冊俱用黃縐作簿面復用  
黃絹作籤條此可見官書鄭重卽裝潢可辨與此可互證  
也士良搜羅畫人姓氏可謂極詳然吾有疑焉嘉熙時有



宋伯仁梅花喜神譜二卷潛溪先生詳畫梅之原五代有  
勝勝華宋有趙士雷邛慶餘徐熙仲仁師楊補之今寶鑑  
所列一一不爽獨遺伯仁一人則士良之書殆有未盡耶  
聊記於此以備考王戊仲秋二十有七日海甯陳簡莊攜  
此本示余云是吳君兎牀所儲屬余題識越五日爲九月  
二日聽雨士禮居中緝閱一過古香襲人殊破岑寂爰跋  
數語而歸之吳縣堯圃黃丕烈識 簡莊徵君跋云圖籍  
寶鑑五卷元吳興夏文彥撰是本雖墨色漫壞然猶是元  
版而明印者遠勝今本之竄亂混淆矣卷首抱遺老人叙  
艸書極佳蓋係鐵尾手書付梓叙稱雲閒義門夏氏則文  
彥又爲雲閒人是書每冊有廬江王圖記王藏書甚富就

升終林卿言題此書

書

聚珍板印

余所見凡數種皆善本云陳鱣記

畫徵錄

增訂畫徵錄三卷後附圖畫精意誠 先君子親筆評點  
並補畫家數人

宋本百川學海

舊刻本五十八種內重中華古今注試筆二種有休甯汪  
季青家藏書籍圖記 先君子書目錄於別紙並記云此  
書各種說部疑是百川學海記五十八種內重二種也是園書  
目百川學海一百三十四卷又以墨筆標識四十六種云  
上有點者蘭竹山房本所有與予所藏同一板口又書開  
天傳信記目下云萬回事惟此獨詳 其中翰林志一卷

先君子手校並書六典中書一條上云行者下少則用  
之三字朱本亦少此三字鮑以文校翰苑羣書云然然則  
此朱本也

拜經樓藏書題跋記卷四終



EAST ASIAN STUDIES  
PROGRAMME

新加坡大學圖書館

三

聚珍版印









